



Province of the
EASTERN CAPE
EDUCATION

**NATIONAL
SENIOR CERTIFICATE**

IBANGA 12

SEPTEMBER 2010

ISIXHOSA ULWIMI LWESIBINI OLONGEZELELWEYO – IPHEPHA LOKUQALA

AMANQAKU: 120

IXESHA: 2½ hours



Olu viwo lunamaphepha ali - 18.

IMIYALELO

1. Eli phepha lemibuzo linamacandelo AMANE angala:

ICANDELO A :	Uvavanyo lokuqonda	(30)
ICANDELO B :	Ushwankathelo	(10)
ICANDELO C :	Ukusetyenziswa kolwimi	(60)
ICANDELO D :	Uncwadi	(20)

2. Phendula YONKE imibuzo.
3. Bhala icandelo ngalinye kwiphepha ELITSHA uze ukwrele umgca ekupheleni kwecandelo NGALINYE.
4. Shiya umgca kwempendulo NGANYE
5. Bhala ngokucocekileyo nangokucacileyo.
6. Landela imiyalelo ngocoselelo.
7. Bhala iimpendulo zakho ngokuchanekileyo ngokwendlela yokunombola esetyenzisiweyo kwiphepha lemibuzo.
8. Qwalasela upelo nolwakhiwo lwezivakalisi.

ICANDELO A: UVAVANYO LOKUQONDA

UMBUZO 1

ISICATSHULWA A

1.1 Funda isicatshulwa uze uphendule imibuzo elandelayo.

SIDLALA NAMAKHWENKWE AMAKHULU

Njengoko kumbomvu iqalise imidlalo yeNdebe yeHlabathi, iBafana Bafana izilungiselela imidlalo enzima esithemba ukuba iza kuphela ngempumelelo.

UCarlos Alberto Parreira wazama ukuziqinisa mhla kwakuthelekiswa amazwe aza kudlala kwiNdebe yeHlabathi ka-2010, kodwa umncedisi wakhe uPitso Mosimane wayebonakala ukuba ukhathazekile.

Nangona kwakumnyama kwihlo yase-International Convention Centre eKapa, kodwa kwakubonakala ukukhathazeka kwabantu ngomdlalo wokuqala woMzantsi Afrika kwiNdebe yeHlabathi eqala ngoJuni. Kumazwe athelekiswe neBafana Bafana kukho iFrance ne-Uruguay ezikhe zayizuza iNdebe yeHlabathi. IFrance yayizuza ngo-1998, ukanti i-Uruguay yayizuza ngo-1950. Emdlalweni wokuqala iza kuqubisana neMexico elilizwe elomeleleyo ebholeni nelingena rhoqo kwimidlalo yeNdebe yeHlabathi.

Oko kungenza iBafana Bafana ikhawuleze ikhutshwe kule midlalo, nto leyo ingenza ababukeli beli baphelelwe ngumdlala kule tumente. Umongameli weFIFA, uSepp Blatter nabaququzeleli bale midlalo kweli, u-Irvin Khoza noDanny Jordaan, batsho rhoqo ukuba banoloyiko lokuphuma koMzantsi Afrika kwangoko kule midlalo. Xa kungenzeka oko eli lingaba lilizwe lokuqala elisingethe imidlalo yeNdebe yeHlabathi ukukhutshwa emjikelweni wokuqala.

UMzantsi Afrika wadlala neMexico kuqala emazweni angaphandle kwe-Afrika emva kokubuyiselwa kweli emidlalweni yamazwe ngamazwe, kodwa kuloo mdlalo wawungo-1993 eLos Angeles wabethwa ngo-4-0. Waphinda wabethwa ngo-4-2 emdlalweni owawungo-2000, kodwa iBafana eyayingomelelanga yabetha iMexico ngo-2-1 ngo-2005 ngamanqaku kaPhil Evans no-Elrio van Heerden.

I-Uruguay eza kudlala neBafana emdlalweni wesibini ayinabo abadlali abaziwayo ngabantu baseMzantsi Afrika, kodwa iza kuza kule midlalo iphethe abadlali baphambili abayingozi. UDiego Forlan owayedlalela iManchester United, ngoku odlalela i-Atletico Madrid eSpain, ngumdlali omdala wayo osawubonayo umnatha, ukanti noLuis Suarez odlalela i-Ajax Amsterdam abadlala naye phambili ungomnye wabadlali abafunwa ngamaqela amakhulu aseYurophu.

IFrance ayinakuthandwa ngabantu abaninzi kule tumente emva kokuba umdlali wayo wabamba ibhola ngesandla nelenza yafumana inqaku eyabetha ngalo iRepublic of Ireland ukuze ingene kule midlalo. Siza kubona ke ukuba ukugxekwa kweFrance ngaloo nto kuza kuyiphazamisa kangakanani. Inabadlali abaphambili kodwa yaziwa ngokuba liqela elingazinzanga kuba umqeqeshi walo unento yokuthanda ukutshintsha iqela eliqalisa umdlalo.

IBafana Bafana iza kuya kuziqeqesha eBrazil naseJamani apho iza kugwadi' icebo lokothus' ihlabathi kule midlalo. Bambalwa abantu abathi iBafana ingaphumelela kule midlalo – kodwa uParreira nabadlali bakhe bafuna ukubaval' umlomo abo bantu. Mayiqale ke imidlalo, sibone!



[Kuvela kwiBONA magazini kaFebruwari 2010]


IMIBUZO:

- 1.1.1 Amazwe aza kudlala kweliphi ilizwe isoka kwiNdebe yeHlabathi ka-2010? (1)
- 1.1.2 Ngubani ongumqeqeshi weBafana Bafana? (1)
- 1.1.3 IBafana Bafana iza kudlala neliphi iqela emdlalweni wokuqala? (1)
- 1.1.4 Wazi ntoni ngeli qela lika-1.1.3? Xela ngokufutshane. (2)
- 1.1.5 Ucinga ukuba ababukeli beli qela leBafana Bafana baza kwenza ntoni xa ikhawuleze yakhutshwa? (1)
- 1.1.6 Zintoni izimvo zikamongameli nabaququzeleli ngokuphuma kwe-Bafana Bafana? (2)
- 1.1.7 UMzantsi Afrika wadlala neMexico. Wayibetha nini? Khetha kwezi mpendulo.
- A ngo-2000
- B ngo-2005 (1)
- 1.1.8 Abantu boMzantsi Afrika abaqinisekanga ngokudlala kweUruguay. Kutheni usitsho nje? (2)
- 1.1.9 Yintoni isizathu sokuba iFrance ingathandwa ngabantu abaninzi? (2)
- 1.1.10 Yintoni imfihlelo yomqeqeshi weFrance? (2)
- 1.1.11 Yitsho ukuba oku kungezantsi kuYINYANISO okanye BUBUXOKI.
- a) IBafana Bafana iqala ukuziqeqesha eBrazil qha. (1)
- b) Abantu abaninzi baqinisekile ukuba iBafana Bafana ingaphumelela kule midlalo. (1)
- 1.1.12 Uthetha ukuthini xa usithi “ bafuna ukubaval’ umlomo”? (2)
- 1.1.13 Wena, uza kuxhasa eliphi iqela kwiNdebe yeHlabathi ka-2010? (1)

[20]

ISICATHULWA B: OKUBONWAYO

- 1.2 Funda esi sicutshulwa sihamba nomfanekiso ukuze uphendule imibuzo elandelayo.



Kule senta ulutsha luyancedwa. Abantu bafunda izinto ezininzi. Bafunda imisebenzi emininzi, umzekelo: imidlalo yethiyetha (yeqonga), idrama, ukucula, ukuthunga, ukuzoba nokudanisa njalo njalo. UMbali ungomnye wabantwana owaqeqeshwa kule senta. Wadlala kwimidlalo emininzi yethiyetha (yeqonga) eMzantsi Afrika. Ukhe wadlala kwiGrahamstown Arts Festival eMpuma-Koloni. Waya naphesheya kooUK, USA naseCanada. Namhlanje uMbali ungomnye wabalawuli bomdlalo wethiyetha (weqonga) othi 'Ntombi Nto'. Iqela lakhe liza kukhenketha amanye amaphondo amathathu eMzantsi Afrika kulo nyaka.

[Kucatshulwa kwiBONA magazine kaSeptemba 2007]

IMIBUZO

- 1.2.1 Yitsho ukuba YINYANI okanye BUBUXOKI esi sivakalisi singezantsi:
Kule mifanekiso kukho iintombi nabafana abadanisayo. (1)
- 1.2.2 Lithini igama leSenta ekuthethwa ngayo? (1)
- 1.2.3 Kwenziwa ntoni kule Senta? (2)
- 1.2.4 Lithini igama lomdlalo wethiyetha kaMbali? (1)

- 1.2.5 Xela amazwe amabini aphesheya kolwandle uMbali akhe wadlala kuwo. (2)
- 1.2.6 a) Abantu abanxibe impahla yakwaNtu bakowuphi umfanekiso? U-A okanye u-B? (1)
- b) Abantu abanxibe impahla yaseNtshona bakowuphi umfanekiso? U-A okanye u-B? (1)
- 1.2.7 YINYANISO okanye BUBUXOKI - Iqela likaMbali seliwakhenkethile amaphondo amathathu eMzantsi Afrika ngo-2007. (1)
- [10]**

AMANQAKU ECANDELO A : 30

ICANDELO B: ISISHWANKATHELO

UMBUZO 2

Funda esi sicutshulwa silandelayo uze usishwankathele ngamagama angama-40 ukuya kuma-50. Landela le miyalelo xa ushwankathela:

1. Bhala izivakalisi ezisixhenxe uthethe ungabukhulisa njani ubomi bakho ngokukhulisa imali yakho. (7)
2. Bhala ngawakho amazwi usebenzise ulwimi olufanelekileyo. (2)
3. Bhala inani lamagama owasebenzisileyo. (1)



Khulisa imali yakho, ukhulise nobomi bakho

Ungacinga ukuba awunako ukufunda ukuphath' imali xa ungumfundi ongenamali ininzi, kanti eneneni eli lixesha elihle lokufunda ukuphath' imali. Xa ufunda uqeqeshwa ube ufumana nesibonelelo semali engaphezulu kwemali oyinikwa yibhasari okanye oyiphiwa kowenu, uya kufunda ngokukhawuleza ukuphath' imali. Zama oku:

✓ **Fumana indlela yokubhanka ekufaneleyo:** lintlawulo zebhanki zikhwinisa abantu abaninzi, ngoku bubulumko ukubuza ibhanki ngeentlawulo zayo kuqala nokuba ungathini ukunciphisa ezo ntlawulo. EMzantsi Afrika uhlawula malunga ne-R200 ngenyanga kwiintlawulo zebhanki ngokophando lwe-www.justmoney.co.za. Ezinye iibhanki zinemali eqingqiweyo oyihlawula kwiinkonzo ezithile ezinjengokukhupha imali, ukuyifaka, njalo-njalo.

- ✓ **Cwangcisa izinto zakho:** Qinisekisa ukuba ibhanki ovula kuyo i-akhawunti inamasebe akufutshane nawe, okanye ke ibe inomatshini wokukhupha imali (i-ATM) kufutshane nawe. Cinga nangokubhanka ngeselfowuni, ucebisa ngelo uFarai Muronda wakwaLiberty Life. Uhlawula intlawulo ephantsi, ukanti eziny' iinkonzo zisimahla njengokubuza ukuba unamalini nokuthumela imali kwabany' abantu kunentlawulo ephantsi.
- ✓ **Ukufunda ngamatyala nokuphila ngebhajethi:** Nokuba ungumfundi ofumana imali encinci ngenyanga, ungavunyelwa uthenge ngetyala. Njengoko ukuthenga ngetyala kuya kulinyusa ixabiso lento oyithengayo, kusebenzise oku ukufunda ukwenza ibhajethi.
- ✓ **Zihlawule wena kuqala:** Yenza ibhajethi, utsho umcebisi ngemali wakwaMetropolitan Life, uClement Makhaza – uzame ukusebenzisa i-40% yomvuzo wakho kwizinto ezisisiseko njengeendleko zokuhamba, ukutya, impahla yokunxiba, umbane, njalo-njalo, i-10% yichithe kulonwabo ize eseleyo uyonge. Kufuneka ibekho imali oyibekela iingxaki ezithi gqi ungalindelanga neza kukunceda xa uthenga into yexabiso njengediphozithi yemoto yakho yokuqala. Qala ngokonga i-R50 okanye i-R100 ngenyanga yaye mayitsalwe ebhankini ukuze ungayiva nokuba unayo, ucebisa ngelo uJeff McDonald weFNB Smart Solutions.
- ✓ **Lungisa igama lakho kwimiba yemali:** Ukuhlawula amatyala akho eevenkile naweselfowuni kuya kukwenza ubengumntu onegama elihle ekuthengeni ngetyala. Oko kuya kukunceda xa ufuna ukuboleka imali yokuthenga izinto ezinkulu.
- ✓ **Zifundise ukukhetha:** Umqeshi wakho uya kukukhethisa phakathi kokujoyina iPension okanye iProvidence Fund. Le yindlela entle yokongela ixesha lomhlala-phantsi kuba uya kufumana imali ebihlawulwa nguwe nebihlawulwa ngumqeshi.

[BONA Xhosa February 2010]

AMANQAKU ECANDELO B: 10

ICANDLEO C: UKUSETYENZISWA KOLWIMI

UMBUZO 3

- 3.1 Funda esi sicathulwa singezantsi ukuze ufakele izichasi zamagama abhalwe bukekela akuso. Jonga umzekelo owunikiweyo.

Umzekelo: UThandi ungumntu *omde*.

Impendulo: UThandi ungumntu *omfutshane*.

“Mfondini musa ukuncokola kakhulu nam kuba (3.1.1) *ndiyavuya*.
Mna, ndiya kukuphendula (3.1.2) *kakuhle*”, yawathetha la mazwi le nkwenkwe (1.3.3) *ihleka*.

(3)

- 3.2 Funda ezi zivakalisi zibini. Amagama akrwele umgca ngaphantsi abonisa ntoni? Khetha kwezi:

- a Ubuncinane ngokuzalwa
- b Ubuncinane bento
- c Isini

3.2.1 Undipha oku kutyana ndilambe kangaka?

(1)

3.2.2 Unina walwamkela usana lwakhe.

(1)

3.2.3 Ndiza kutsala intwana yegazi. Uyeva?

(1)

- 3.3 Khetha kuluhlu lwamagama owanikiweyo uvale izikhewu kwizivakalisi ezilandelayo. Bhala igama kuphela ecaleni kwenombolo.

Isithethi; ukuthetha; izithethi; imithetho; intetho; umthetho

3.3.1 UZola uyakuthanda ... ezintlanganisweni.

(1)

3.3.2 Umphathi wenza ... ende.

(1)

3.3.3 ... zathetha ngezinto ezibalulekileyo.

(1)

3.3.4 Kufanele umqhubi ayilandele ... yendlela.

(1)

- 3.4 Jonga umzekelo owunikiweyo uze ubhale ezi zivakalisi kwimo elandulayo.

Umzekelo: Umsebenzi usenga inkomo.

Impendulo: Umsebenzi akasengi nkomo.

- 3.4.1 Ubawomkhulu ufuna ukuhamba ecaweni. (1)
- 3.4.2 Abakhenkethi bafunde ukuhambela phesheya kolwandle. (1)
- 3.4.3 Izilwanyana bezisela amanzi. (1)

- 3.5 Phinda ubhale esi sicutshulwa silandelayo uze ulungise iziphene nolwimi olungamkelekanga.

Kukho amashishini eninzi elizwe kodwa imisebenzi ibalwa. Abasebenzi bayakwazi ukuthetha iilwimi ezinathathu. Impumlelo yeliliwe isenzandleni zabo (8)

- 3.6 Bhala ezi zivakalisi zingezantsi kula maxesha owanikiweyo. Bhala ngolu hlobo:

Isivakalisi	Ixesha langoku	Ixesha elizayo	
3.6.1 Unina waya ekhefi.	a.	b.	
3.6.2 Ixhego latshaya.	a.	b.	(4)

- 3.7 Bhala izimelabizo zamagama akwrelelwe umgca ngaphantsi. Khetha kula magama angezantsi. Bhala igama kuphela.

lona; thina; bona; yona

- 3.7.1 Utitshala nabafundi bayasithanda isikolo. (1)
- 3.7.2 Nam nabahlobo bam siya emdlalweni wesoka. (1)
- 3.7.3 Imvula iyana. (1)

- 3.8 Bhala ii-Akhronim zala magama alandelayo;

Umzekelo: iSouth African Breweries
Impendulo: iSAB

- 3.8.1 iFirst National Bank (1)
- 3.8.2 iKentucky Fried Chicken (1)

UMBUZO 4

- 4.1 Bhala la magama akrwelelwe umgca ngaphantsi ngesiXhosa esilungileyo. Bhala amagama kuphela.

i-Old lady (4.1.1) lam lindinike imali netshomi (4.1.2) yam (2)

- 4.2 Jonga lo mzekelo uze ubhale izivakalisi ezivakalayo ngamagama owanikiweyo.

Umzekelo: yendlu

Impendulo: UThemba uthenge impahla *yendlu*.

4.2.1 zabafundi (1)

4.2.2 ezimhlophe (1)

4.2.3 abadala (1)

- 4.3 Nika igama libe linye endaweni yesivakalisi. Zikhumbuze ngokujonga kule mifanekiso ilandelayo.


Umzekelo: Abantu balima imifino kule ndawo.

Impendulo Yigadi / yintsimi / sistiya

Umzekelo



A



B



- 4.3.1 Indawo apho kufumaneka khona iincwadi ezininzi zokufunda. (kumfanekiso A) (1)

- 4.3.2 Abantwana abanxiba iyunifom yesikolo. (kumfanekiso A) (1)

- 4.3.3 Umntu okwazi ukukhulisa umntwana wakhe ngendlela efanelekileyo (kumfanekiso B) (1)

4.4 Bhala esi sivakalisi silandelayo kwingxelo-ntetho.


Umzekelo: “Usana luyahleka kamnandi”, utshilo umama.

Impendulo: Umama uthe usana luyahleka kamnandi.

“Iteksi endala indigilile”, utshilo uVelesazi.

(3)

4.5 UTasneem usendlwini yakhe ufuna ukuya evenkileni. Mxelele indlela eya evenkileni.



(4)

4.6 Lungisa amagama akwizibiyeli ubhale igama kuphela.

4.6.1 Indoda ifike (-tya) isidlo sakusasa

(1)

4.6.2 Inja (mama) ilume ummelwane wethu.

(1)

4.6.3 Usana (-ncinci) alufuni bhotile.

(1)


4.6.4 Abafundi abawuthandi umsebenzi (-nzima)

(1)

4.6.5 Yihla ngale ndlela (-jika) ekhohlo.

(1)

- 4.7 Jonga kule mifanekiso uze ukhethe kwezi mpendulo. Bhala inombolo kuphela.



- 4.7.1 Kukho izilwanyana ezingaphi?

- A ezintlanu
- B ezintandathu
- C abathandathu (1)

- 4.7.2 Umama ufuna ukupheka intaka enye. Kusele iintaka ezingaphi?

- A ayikho nto
- B enye
- C ezimbini (2)

- 4.7.3 Ezi zilwanyana zilala phi? Khetha kwezimpendulo zilandelayo.

- A ebuhlanti, ekhaya, elwandle
- B emithini, ekhaya, ebuhlanti, ehlathini
- C ekhaya, egadini, edolophini, emithini (2)

- 4.8 Tshatisa amagama anentsingiselo efanayo. Bhala inombolo kunye nonobumba kuphela.

	KHOLAM A	KHOLAM B	
4.8.1	ukuqondana	A ukuhambela	(1)
4.8.2	ukutyelela	B ukuvana	(1)
4.8.3	ukugcina	C ukulondoloza	(1)

- 4.9 Khetha esona sifanelekileyo kwizibiyeli.

4.9.1 Abafundisi bathandaza (qhu/qho) ecaweni ngeCawa. (1)

4.9.2 Usana lufana (nqwa /qhwa) notata walo. (1)

[30]

AMANQAKU ECANDELO C: 60

CANDELO D: UNCWADI**MIYALELO**

1. Eli candelo linemibuzo evela kwiincwadi ezimbini.
2. Khetha incwadi ibe **NYE** uphendule imibuzo kuyo. Kwicandelo makuphedulwe **UMBUZO 5** okanye **UMBUZO 6**

UMBUZO 5**AMATHUNZI OBOMI nguJJR JOLOBE**

Funda ezi zicatshulwa zilandelayo ngenyameko uze uphendule imibuzo elandelayo ngesiXhosa. Bhala izivakalisi ezizeleyo.

- 5.1 **UMADLOMO :** **Makabongwe uMdali onguyise weenkedama indoda yabahlolokazi. Sibulela nawe, titshala ngokumthundeza kwakho kwisikolo semini neseCawa.**
 - 5.1.1 Ucinga ukuba zilungile okanye azilunganga izinto ezenziwe nguMaDlomo? Xhasa ngokufutshane iingcinga zakho. (2)
 - 5.1.2 Uyahambisana noMaDlomo ukuba imfundo ibalulekile? Kutheni usitsho nje? (2)
 - 5.1.3 Ngoobani oonyana bakaMaDlomo? Omncinane waqhuba njani esikolweni? (2)
 - 5.1.4 Kutheni uMaDlomo ebulela utitshala kwesi sicutshulwa? (1)
- 5.2 **UKHUMBENI:** **Molo, Dlomo.**
UMADLOMO: **Bhota, Khumbeni.**
UKHUMBENI: **Ninjani, Dlomo ngempilo?**
UMADLOMO: **Hayi, sisekho, Khumbeni, unjani wena?**
UKHUMBENI: **Sihleli nathi, Dlomo. Ubuneendwendwe kule mpela-veki Dlomo? Ndisoloko ndibona abantu bephuma bengena kweli khaya. Ukuba bendingakwazi ukuba ungumntu wecawa ngeba ndithi uyathengisa.**
 - 5.2.1 Yintoni umsebenzi kaKhumbeni kweli bali? (1)
 - 5.2.2 Iindwendwe zenza ntoni kwikhaya likaMaDlomo? (1)
 - 5.2.3 Kwakutheni uMaDlomo esenza le nto iku-5.2.2? Xela. (3)
 - 5.2.4 Omnye umntwana kaMaDlomo wayeza kumnceda njani ngaloo nto? (2)

5.3 UTHEMBA: Wathini umantyi?

UMADLOMO: Uthe makukhangelwe ezincwadini ukuba andizange ndibanjwe na ngaphambili kwale nto. Akufumanekanga nto ngakum. Kodwa abanye kuthe kwakukhangelwa kwafunyaniswa seyilixesha lesibini nelesithathu bebanjwa.

- 5.3.1 Sasiyintoni isigwebo sikaMaDlomo? (1)
- 5.3.2 UMaDlomo wadibana nomfazi enkundleni. Lo mfazi wamnceda njani ukuze ayeke ukusila? (2)
- 5.3.3 UMaDlomo wahamba iindlela ezimbini. Kwakulula? Kutheni usitsho nje? (2)
- 5.3.4 Mfundi, wena ucinga uMaDlomo wayengumfazi onjani? (1)

OKANYE

UMZALI WOLAHLEKO: SB SINXO

UMBUZO 6

Funda ezi zicatshulwa zilandelayo ngenyameko uze uphendule imibuzo elandelayo ngesiXhosa. Bhala izivakalisi ezizeleyo.

- 6.1 “Intle ilali yaseNjwaxa, iyazibetha zonke iilali zaseXesi ngobuhle. Umlambo iNjwaxa unqumla kule lali ... iNjwaxa enamanzi anjwaxa-njwaxa. Umlambo iTyhume wona uyijikelezile le lali ngathi ngumbhinqo wesilivere. Ezantsi kwale lali iTyhume lidibana nomlambo iXesi. IXesi eli ke ngumlambo asela kuwo onke amaGqunukwebe kaKama. Iphucukile iNjwaxa; inemizi emihle kunene. Inamadoda aneempembelelo neemfundiso ezakhayo. Kambe ke naseNjwaxa, njengakwiindawo zonke, uSathana ukhona. Nabalandeli bakhe ke bakwakhona.”
- 6.1.1 Ilali egama liyiNjwaxa ikusiphi isithili? (1)
- 6.1.2 Nika isizathu esibangela ukuba umbhali afanise amanzi omlambo iTyhume nombhinqo wesilivere. (2)
- 6.1.3 Xela izinto EZIMBINI ephucuke ngazo ilali yaseNjwaxa. (2)
- 6.1.4 Umbhali uthi uSathana ukhona eNjwaxa. Uyavumelana nale ntetho? Nika isizathu sempendulo yakho. (2)

- 6.2 Ixhegwazana uNamacwili wafika kanye kweso sithuba, xa asandul' ukumka uNomishini. Wavakala ekhwaza esithi, Nolasti! Nolasti! Cwaka uNolasti.

“Wa Nolasti, ungaphenduli nje akuva ukuba ndiyakubiza?”

Laphinda ixhegwazana.

“Thetha, undibizela ntoni?” Uphendule uNolasti.

“Musa ukuthetha njalo kum, Nolasti, ndinguyihlo!” “Unyoko kabani?”

- 6.2.1 UNomishini wayesenza ntoni apha kwaNolasti? (2)
- 6.2.2 Ngubani uNolasti? Kwakutheni esithi ‘unyoko kabani’? (2)
- 6.2.3 Lo Nolasti wayetshate nabani? Umyeni wayephi na ngelo xesha? (2)
- 6.2.4 Kwenzeka ntoni kuNolasti nomyeni ekupheleni kweli bali? (2)
- 6.3 UNdimeni waba ke ukhulela phantsi kukaNojaji ngeso sizathu. UNojaji wayenabo phofu naye abantwana emaMpingeni. Naye wazibula ngenkwenkwe egama linguNdopho, waza walandelisa ngentombi egama linguLiziwe, wagqibalisa kwanganye intombi, uWeziwe igama layo.
- 6.3.1 Kwenzeka ntoni kuNdopho ekupheleni kweli bali? (2)
- 6.3.2 UNdimeni waba sisityebi ekugqibeleni. Nika enye indlela yokufumana imali kuye. (1)
- 6.3.3 Ngubani lo Mpinga? Wabhubha nini? (1)
- 6.3.4 UNojaji wayengumfazi onjani ekupheleni kweli bali? (1)

AMANQAKU ECANDELO D: 20

AMANQAKU EWONKE: 120